

اعتراف

شعر بالعامية المصرية

محمد الشرقاوى

كتاب نون

الكتاب السادس والتسعون

اعتراف

محمد الشرقاوى

رقم الإيداع بدار الكتب والوثائق

٢٠١٧/٥٢٧٠

الإخراج والغلاف

دكتور محمد حلمى حامد

حقوق الطبع محفوظة للمؤلف

اهداء

إلى أبى وأمى

إلى زوجتى الحبيبة

إلى أولادى

مى

رنا

مؤمن

مها

أتمنى لكم مستقبلا مشرقا

مايخترفش اتنين

مايخترفش اتنين
إنك أحلى الحلوين
كل العشاق واقفين
على بابك ياما سنين
وعنيهم رايحة عليكي
عايزين أفراح لياليكي
واهي ياما قلوب في ايديكي
وياتري قلبك مع مين
مايخترفش اتنين
إنك أحلى الحلوين

يا جمال ع الوصف محال
ولا زيك عمرى هشوف
جوايا كلام يتقال
جوايا ملان بالخوف

إنك تهجرى أيامى
وتضيع فرحة أحلامى
ويكون ردك لكلامى
هيبكى عليكى العين
يا اللى العشاق واقفين
على بابك ياما سنين
ما يختلفش اتنين
إنك أحلى الحلوين

وهبت لحبك عمرى
ولا عمرى ندمت عليه
سلمت لإيدك أمرى
عشت الحب ومعانيه
وسهرت احلم برضاكى
ولا لحظة القلب نساكى
وقاسيت الويل فى هواكى
وصبرت مع الصابرين
ياللى العشاق واقفين
على بابك ياما سنين
ما يختلفش اتنين
إنك أحلى الحلوين

ما تستاهلش تعيش فيها

ما تستاهلش تعيش فيها
ياللى بتحرق مبانيتها
ياللى بتقتل اولادها
صبح ومسا تغدر بيها
ابعد ياخاين وفارقنا
ياللى انت غاوى تفرقنا
ولا عمرنا هننسى طريقنا
ولا حـبنا هينقص ليها
ما تستاهلش تعيش فيها

ماتستاهلش تشوف خيرها
ولا زرع طارح ولا طيرها
ياللى شرورك مرسومة
ارحل وعش ياللا فى غيرها
ما تقولش بره إنك مصرى
ولا يوم طلبت أكيد نصرى
وما دمت ناوى على كسرى
انت بقيت من أعاديها
ماتستاهلش تعيش فيها

مين اللى قال إن العاقل
يقطع طريق يقفل مصنع
يسمع كلام جاهل عاطل
ويزيد هموم فينا بتوجع
صدقنى أنت ما عندك دين
ولا فيك شهامة المصريين
لازم تكون ويا المساجين
تنسى هواها وأهاليها
ماتستاهلش تعيش فيها

عارض بروح حب وأدب
واعلن صحيح من أفكارك
واهزم شعور يأس وغضب
وارسم شموستك ونهارك
واسمع وقرب للفاهم
إياك تعيش عمرك واهم
لو يوم تساند هنا ظالم
يحرم عليك تمشي عليها
ماتستاهلش تعيش فيها

قرب وشارك سمعنا
وانجح وعزز أوطانك
وازرع عشان تهزم جوعنا
واصنع وسابق أزمانك
لو يوم نسيت فيها الواجب
وبقيت مع الشيطان صاحب
رب العباد عنك غاضب
والجنة لو تبقى ناسيها
ماتستاهلش تعيش فيها

ثورة يـناير هنا كانت
دايماً بتهتف سلمية
ياما نفوس وقلوب عانت
صبرت عشان الحرية
والحب جامع شعب عظيم
صامد بيدعى رب كريم
على كل ظالم لـص لنيم
ارحل وفارق اراضيها
ماتستاهلش تعيش فيها

يا جيشنا ياللى بتحـمينا
فى كل وقت وكل مكان
دايماً بتـهزم أعادينا
تزرع بلدنا سلام وأمان
الله يصونك ويساعدك
فى كل عصر وفى بوعدك
قل للعزول اللى يعاندك
مات الفساد من ضواحيها
ما تستاهلش تعيش فيها

وظائف خالية

تعلن شركة أى كلام
إن فروعها مية مليون
رحت ترسم لك فى الأحلام
وتلقى الصعب أكيد بيهون
بس تعال وراح نديك
أعلى مرتب هيكفيك
وهيوندای وشقق تمليك
ويامعاش عندنا مضمون

رحت وكنت سعيد وبغنى
ياللا يا نفسى كثير اتمنى
بكرة هتضحك ليا الدنيا
بعد ما عشت سنين مستنى
كثبت فى ورقة كثير بيانات
وقلت معاى ومعاى شهادات
واعرف ياما وياما لغات
وادمى موبايلى مع العنوان
قال لى يدوبك بس رسوم
ألف جنيهه لزوم التقديم
وهنبعت لك فى خلال يوم
وهتقبضها مع التسليم
رحت وجبت الألف ديون
وصل أمانة وياشيكات
قلت الشغل أكيد مضمون
هى مجرد بس ساعات

شهر يعدى وشهر كمان
قاعد بسمع فى الأخبار
شفت حكومة وناس بتبان
قالوا عصابة من الأشرار
سرفت كل فلوس الشعب
جانى ياناس إحساس بالرعب
شفت العالم كذب فى كذب
وما عاد فيه إخلاص وأمان
بعد دقائق خبط الباب
واحد داين وأمين شرطة
عقلى اتغيب قلبى اهو ساب
واقع يا ابا فى شدة وورطة
قلت مفيش وارحمنى يابيه
قال السجن دا حق عليه
دقت السجن لقيت لياليه
ذل وضرب وكل هوان

مش هتطم

مش هتطم بس حطم كل حقود
وازرع كل اراضى الدنيا زهور وورود
وارسم شمسى واقول لنهاى تعال وعود
وانجح واعلى وكل الكون حواليا شهود
مش هتطم

مش هتطم بس حطم ناس خاينين
سرقوا مشاعرى وعاشوا بيخدعوا فيا سنين
خدوا أفراحى وزادوا جراحى وراحو ماشيين
لكن لازم هوصل يوم وكثير تايهـــــــــــــــــين
مش هتطم

مش هتطم بس حطم سد منيع
حلم حياتى هيبقى حقيقة ومش هيضيع
واعيش أيامى وفرح ونصر وجو ربيع
ولا يوم هندم ع اللى بيقسى وع اللى يبيع
مش هتطم

أرض الأبطال

من عهد أحمس ومينا
صنع التاريخ أجيال
مين اللى يقدر علينا
واحننا أسود أبطال
نحمى الشرف والعرض
نحمى السلام فى الأرض
يا مصر حبيبك فرض
من غير كلام وجدال
من عهد أحمس ومينا
صنع التاريخ أجيال
مين اللى يقدر علينا
واحننا أسود أبطال

فجر الحضارة هنا
تشهد عليه الأهرام
شمس العلوم عندنا
كل العصور أعلام
الأقصر كتاب مفتوح
عمال يقول ويذبح
والسحر شاف مطروح
غنى هناك موال
من عهد أحمس ومينا
صنع التاريخ أجيال
مين اللي يقدر علينا
واحنا أسود أبطال

واسأل عروس البحور
تمحى الظلام بالنور
ترسم شمس الأمل
تصلح جميع مكسور

دمياط بتصنع ذهب
يبهر أعاجم عرب
واسمع بيان السبب
دا عزيمة تهدم جبال
من عهد أحمس ومينا
صنع التاريخ أجيال
مين اللى يقدر علينا
واحنا أسود أبطال

يامصر قلبك عظيم
شعبك أصيل وحليم
غصن الزيتون للحبيب
إعصار يدمر خصيم
وشباب بيكتب عهد
يفتح طريق مسدود
وظموح يعدى الحدود
مهما يشوف أهوال
من عهد أحمس ومينا
صنع التاريخ أجيال

مين اللى يقدر علينا
واحننا أسود أبطال

لما الزعيم يعشقتك
وتوشوشيه يسمعك
يجمع معاه صـفنا
ومن الخصوم يمنعك
نلقى صغار وكـبار
عاملين فى كل مسار
بالفكر والإصرار
ما نقول بعيد ومحال
من عهد أحـمس ومينا
صنع التاريخ أجيال
مين اللى يقدر علينا
واحننا أسود أبطال

إعتراف

أبى باعترف لك وبأشهد كمان
بانك فى قلبى وعالى المكان
سفينة نجاتى لبر الأمان
وشجرة غصونها مودة وحنان

بتدى وتدى ومن غير حدود
أيديا وعينيا وحياتى شهود
عرفتك عدو الكسل والجمود
وشفتك مفكر وصانع كيان

فى ضالك لعبت وماخفتش فى يوم
كبرت فى وجودك ماشلتش هموم
وتسهر عشانى وبسرح فى نوم
وبحلم وبطلب وتبقى مدان

بتقلق كثير لما بتععب واشوف
عيونك ملانة أمل وياخوف
وتنسى المتاعب وتنسى الظروف
وتجرى تجيب الدوا مهما كان

تصاحب أفاضل وتسعى لخير
لا عمرك بتأذى نبات وللا طير
فى سفرك بتبقى لبلدنا سفير
بعلم وحضارة وماتقبل هو ان

جير انك يقولوا دا أخ وياريت
يعيش ويا أهله فى شارع وبيت
وانت فى كلامك تقول اشتريت
لابنى المحبة بطول الزمان

لربك مطيع ولوطنك أمين
ما يمسح مبادئك مرور السنين
بتعمل بجهدك لدنيا ودين
ما تطلب مقابل ما تطلب نيشان

أنا لو كتبت ما يكفى الكلام
ولو عشت أوفى أنا عمرى كام
أنا لو هшил كل جرح وألام
ياجنة برضاك ياإما النيران
أبى باعترف لك وباشهد كمان

وتخترع أعدار

وتخترع أعدار وتقول أرجوك سامحني
ونكمل المشوار وبنسى إنك جارحني
ويرجع صافي قلبي ويحكى إليه مخبي
يد يلك كل حبي وتديه كاس المرار
وتخترع أعدار

بكلمك بشوق وكل أدب وذوق
واداوى لك جروحك عشان قلبك يروق
وفجأة بتنسى إنى عاشقك من صغر سنى
وتبعد تانى عنى وتسبيب البال مختار
وتخترع أعدار

ولما اعتب عليك واقول اشتقت ليك
تسمع منى الكلام ويتوه من بين إيديك
ترجع للقسوة تانى تنسى حبي وحنانى
واحس إنك أناتى قاسى القلب وغدار
وتخترع أعدار

هفضل اعاند

هفضل اعاند فى الأيام
هفضل أرسم فى الأحلام
حتى إن لاموا على وقالوا
عائش دائماً فى الأوهام
هفضل اعاند فى الأيام

هرسم سلم فيه درجات
واطلع فيه بهدوء وثبات
المح أى جراح وأهات
هرد بقلب جرى بسام
حتى إن لاموا على وقالوا
عائش دائماً فى الأوهام
هفضل اعاند فى الأيام

مش هستنى دليل يهدينى
أو حد ينشف دمة عينى
هنقش فوق الصخر سنينى
وكل الدنيا تقف لى سلام
حتى إن لاموا على وقالوا
عائش دائماً فى الأوهام
هفضل اعاند فى الأيام

اسمحي لى

اسمحي لى أقف قصادك
أملّى عيني من جمالك
يمكن اكتب شعر فيكى
يحكى عنك عن دلالك
بس لو هكتب كلام
يبقى نقطة من بحور
لما شافك قلبى همام
فى السما ويا الطيور
وارتمى فى حضن الغرام
وبعت يطلب وداك
اسمحي لى أقف قصادك

اسمحي لى أحكى عنك
زاد هـنايا بقربى منك
شوقى زى الشجرة تطرح
نور وضل فى كل مطرح
انتِ وصفاة بـوصفوكى
لى عايز فرح يفرح
لو هوايا يكون هواكى
لو غـنايا يكون غـناكى
عمرى كله يكون معاكى
وقلبى أنا يكون بلادك
اسمحي لى أفق قصادك

ابن مصر

سألوني أنت مين
قلت لهم ابن مصر
وقالوا بتحيا فين
رديت على أرض مصر
مهما لفيت بلاد
ماشى فى وسط العباد
ما بلاقى ميه وزاد
إلا على أرض مصر
سألوني أنت مين
قلت لهم ابن مصر

حضارة تحكى عنها
ما توافى حنة منها
الله دائماً يصونها
من عين حاسد حسود

رايتها سلام أمان
بكرة وطول الزمان
بتضحى كثير عشان
حقها دائماً يعود
والخير وسط الرمال
وشباب عزم وأمال
ولاشئ هيكون محال
عليك يا ابن مصر
سألوني أنت مين
قلت لهم ابن مصر

العالم ليها شاهد
فيها أجمل مشاهد
وشعب أصيل يعاهد
يكون بالحب بادي
يسبق كل العصور
ويدي لغيره نور
ومهما زمان يدور
بصوت الخير ينادي
شمسك دائماً شروق
أحلام دائماً لفوق
دمننا جوا العروق
يرخص من أجل مصر
سألوني أنت مين
قلت لهم ابن مصر

احلام

نفسى أحول كل الشعب العاقل..... عامل
نفسى أحول كل مخرب جاهل عاقل
نفسى الفقر فى بلدى يموت
ويموت فيها حرامى وحتوت
والغلبان يسكن فى بيوت
مش فى عشش وكمان مش طایل
نفسى

نفسى أحول رمل الصحرا لخضرة بجد
نزرع قوتنا ويرفض صوتنا. مد اليد
نفسى ألاقى حب زمان
وكل بلادنا تعيش فى أمان
نكتب على قلبنا عنوان
مصر جميلة مازيها حد
نفسى

نفسى الناس تفرح وكمان تسمع أشعار
نفسى ما اشوفش حوادث دائماً فى ... الأخبار
نفسى الشعب يحب بلادنا
ويكون دائماً هو عمادنا
واللى سنين اتبنى بجهودنا
يفضل لحن على الأوتار
نفسى

نفسى أشوف الطفل بيطلب يقرا كتاب
ترجع لينا أعلى مكانة بعد غياب
نفسى الشارع يبقى نظيف
وكل مواطن يبقى شريف
وفى أفكارنا مفيش تخاريف
ومفيش حاكم عاش نصاب
نفسى

نفسى نقدر كنز حياتنا زى عنينا
مش بغبائنا يضيع النيل وكمان بايدينا
نفسى ما اشوفش طابور العيش
وصاحب الفرن يقول لى مفيش
واللى معاه بس اللى يعيش
ومفيش حد يحن علينا
نفسى

نفسى ونفسى ونفسى ونفسى
فاكرة يادنيا واللا هنتسى
أنا بالحلم هعيش علطول
واللى هيصبر بكرة ينول
وكل مشاكل ليها حلول
وكل سفينة لا بد هترسى
نفسى

فى قلبى

لأنك فى قلبى ونور جوا عينى
فديتك يا أمى بروحى وسنينى
ويومى وأمسى كلامى وهمسى
ياضلى وشمسى دا حبك هادينى

فى حضنك بلاقى براح الوجود
واحس إنى ساكن جناين ورود
ولو مرة دمعى يسيل على الخدود
بشوف ابتسامتك وعطفك حامينى
لأنك فى قلبى ونور جوا عينى
فديتك يا أمى بروحى وسنينى

لأنك حكايتهى معاكى بدايتهى
ولو كنتِ راضيةً هتفرح نهايتهى
ياسر السعادة يانبع الإرادة
دا برك عبادة ومنهج فى دينى
لأنك فى قلبى ونور جوا عينى
فديتك يا أمى بروحى وسنينى

عيونك سهارى تأسس حضارة
وتكتب تاريخنا بعلم وجدارة
نسابق زماننا ونحفظ مكاننا
يرفرف علمنا ويبقى معينى
لأنك فى قلبى ونور جوا عينى
فديتك يا أمى بروحى وسنينى

بعقلك صنعتى شباب من ذهب
بصبرك خدمتى وكنتِ السبب
فى قصة نجاح بحب وسماح

دا عمرك كفاح أشاور تجيني
لأنك في قلبي ونور جوا عيني
فديتك يا أمي بروحى وسنيني

بتوه في الزحام واحس بالأم
وتسرق جروحي طموح وابتسام
وصوتك ينادى في عقلى وبلادى
يزيد اجتهادى ويهرب أنينى
لأنك في قلبي ونور جوا عيني
فديتك يا أمي بروحى وسنيني

بصدق وشجاعة كتبت اعتذار
وخايف بذنبي اضيع وسط نار
وحالف لافكر واغير واسطر
من الحب أكثر ياريت صدقنى
لأنك في قلبي ونور جوا عيني
فديتك يا أمي بروحى وسنيني

حاجة تغم

الثانوى العام بـتلم
والله دى حاجة تغم
وتسد النفس يا صاحبى
وتجن العقل يا عم

ناجح فى اعدادى بالغش
وبجح متعري الوش
وتقول له كفاية وكش
ولا عنده ريحة الدم
مش برضه دى حاجة تغم
وتسد النفس يا عم

فرحان لى بطوله وجسمه
ومش عارف يكتب اسمه
واسمع حواراته ورسمه
تلاقيها زى السم
مش برضه دى حاجة تغم
وتسد النفس يا عم

لعب وتنطيط أطفال .
عمال دايماً شغال

ودا مهما كلام يتقال
تلاقيه أبكم وأصم
مش برضه دى حاجة تغم
وتسد النفس يا عم

بس يعاكس فى بنات
مايقولش انا ليا اخوات
ع الننت يقول حكايات
بكلام تافه بلا طعم
مش برضه دى حاجة تغم
وتسد النفس يا عم

ما يقولش أذاكر وانجح
واعمل مستقبل وافلح
وتقول له نصيحة بييج
وفاكرها خفة دم
مش برضه دى حاجة تغم
وتسد النفس يا عم

والأب معاه محتار
وحياته عشاته فى نار
ويقول امشى المشوار
واتحمل وحدى الهم
مش برضه دى حاجة تغم
وتسد النفس يا عم

أرفع راسك

ارفع راسك ياللا يامصرى
احكى وقول انا أصلى وفصلى
أصلى حضارة وليها تاريخ
عايشة وصامدة فى وش الريح
ولو يوم صار القلب جريح
هصبر وانجح واسبق عصرى
ارفع راسك ياللا يا مصرى

قالوا دا شعب مسالم طيب
أرضه غنية مكانه قريب
نزلوا بلادنا وشافوا أسود
هدوا حواجز عدوا حدود
وكان النصر فى يوم موعود
نصر ما يصنعه إلا المصرى
ارفع راسك ياللا يامصرى

أنا أفديكي يامصر بروحي
وانسى عشانك كل جروحي
جوك بحرك أرضك خيرك
عمره فى يوم ما هيبقى لغيرك
مادام المصرى الحر أميرك
يبقى هيعمل نصره ونصرى
ارفع راسك ياللا يامصرى

لما يناير هل هلاله
هب الشعب شبابه رجاله
هزموا الفاسد هزموا الجانى
عدوا بحور الخوف فى ثوانى
رجعت ليهم أحلى أمانى
وشفنا الفرحة ما بينا بتسرى
ارفع راسك ياللا يامصرى

كل بلادك خير بينادى
سينا وصحرا ودلتنا ووادى
مد إيديك والمولى معين
راح وانتهى زمن الظالمين

صبحوا فى ليلة مع المساجين
وانتِ يا مصر ما يوم تنكسرى
ارفع راسك ياللا يامصرى

بلدك أولى بكل جهودك
اعمل واوفى بكل وعودك
لسه معانا كتير أحلام
تيجى بفعل ومش بكلام
ويشهد لينا زمن وايام
وقت الشدة بيان المصرى
ارفع راسك ياللا يامصرى

خلى الدنيا تشوف خطاويك
وكل العالم يشهد ليك
إنك صاحب فكر ومبدأ
عمرك يوم بالظلم ما تبدأ
لكن قلبك عمره ما يهدأ
قبل رجوع الحق يامصرى
ارفع راسك ياللا يامصرى

سيجارة

قاللى تعال يار اجل فرفش
واضحك وانس اى هموم
دى الدنيا ماتسواش ولا دمعة
والحق من عمرك كام يوم
خدنى ورحت مشيت وياه
ما سألتوش رايجين على فين
دا صاحبى وانا متربى معاه
طول العمر سنين وسنين
رحنا القهوة وقاللى سيجارة
تشرب واللا تحب الشيشة
تنسى فى لحظة اى مرارة
وتضحك ليك الناس والعيشة
خدت سيجارة وشيشة كمان
طبعاً ما انا مهموم تعبان

وبكرة فـ نفس ميعاد ومكان
حتة بانجو وقاللى تجرب
قلت انا خايف بس أقرب
قاللى بلاش الخوف والحيرة
واشرب خمرة واشرب بيرة
أصبح كفى وانا مش دارى
ليلى شاغلنى كمان ونهارى
سرقـت نهبت عشان الكيف
معدتش لاقى نص رغيـف
بعـت أثاث البيت وهدومى
وبقيت كاره ليلى ويومى
صـبـت كل حياتى مرار
جـبـت لنفسى وأهلى العار
وحساب الأخرة هيبقى النار
ولما تعبت من المشوار
رحـت أعاتب صاحبى عشان
باعنى ماكانش معايا إنسان
حكى لى لقينته هو كمان
صاحب خدعه قبل زمان
او عى ياعاقل تدى أمان
لصاحب سوء من أى مكان

عم مجاهد

عم مجاهد عنده بنات
فيهم ثانوى وفيهم جامعة
من مصاريفهم يصحى بيات
شايلى فكر و ماسح دمهة
حاسس إن الحمل ثقيل
وهو كبير فى السن عليل
ومفيش غيره حد يشيل
واللا يقول له الله يساعد
عم مجاهد

يصحى الصبح بسرعة يطير
يلبس أبوه ويفطر لأ
عشان المصلحة فيها مدير
صعب وعمره لحاله ما رق
يوصل شغله بعد ساعات
بعد تحايل ومغامرات
وسط الزحمة مع الإشارات
ويقول أنت يارب الشاهد
عم مجاهد

بعد الشغل يكمل يومه
فى اى ميدان بياع مناديل
علشان يقدر ينسى همومه
ويكسب حاجة ولو بقليل
يرجع آخر اليوم تعبان
نفسه يحس بأى حنان
غصباً عنه ياناس إنسان
طول اليوم شقيان مش قاعد
عم مجاهد

واحدة تقول له دروس وكتاب
والثانية تقول له عايزه هدوم
والثالثة عريس واقف ع الباب
وهو يقول بحلم بالنوم
أما الست مراته جواهر
شايفه الدنيا بعينها مظاهر
ولا تعرف إحساس بمشاعر
قلبها دائماً ناكر جاحد
عم مجاهد

ويقول عيني وطيب حاضر
عايز البسمة تكون مرسومة
عمره فى يوم ما بيكسر خاطر
حتى الآه جواه مكتومة
يسهر يعبد ربه لىالى
ويقول عالم وحده بحالى
حلم حياتى فرح عيالى
زى الجبل العالى الصامد
عم مجاهد

بعد سنين الصبر أراد
ربنا إنه يعيش أفراح
كل حياته بقت أعياد
ومفيش فيها أى جراح
راح لبناته كثير عرسان
أحلى شباب عاقلين جدعان
قام وصلّهم بر أمان
ياللا نحى نعم القائد
عم مجاهد

بعد جوازهم شافوا أعمال
أدى طيبية وادى محامية
ويعزيمتهم صنعوا آمال
وبقوا حكاية لكل صبية
يابنات بلدى ياللامعانا
علشان مصر الغالية أمانة
تفضل نجم عظيم فى سمانا
ونشوف نصرها عايش خالد
عم مجاهد

إلى روح الشهيد

هكتب لروح الشهيد يوم الكفاح المجي
الأرض تعشق بطل تكره دموع العبيد
ياوسام على صدرنا صورتك خدت قلبنا
بالحب قام شعبنا غنى عشانك نشيد

هكتب لروح الشهيد

الليل فرش فى الوطن وبقي له أهل وسكن
والياس زى الجبال والفجر عايز تمن
قام الشباب العفى قال ياظلام
اختفى

ولأنه عاشق وفى شفنا الإرادة الحديد
وهكتب لروح الشهيد

رد الظلام فى غرور خايف يموت فى النور
عشمان عشم إبليس يحكم كمان لشهور
طب ما انت عشت سنين تنهب كثير ملايين
وعينيك أكيد شايفين الفقر خصم وعنيد
وهكتب لروح الشهيد

قلنا كفايه خداع عشنا كثير أوجاع
كل البلاد فى نعيم واحنا فى هوان وضياع
رد البعيد بالنار عامل كمين وحصار
مات فى الميدان أحرار والحلم كان بيزيد
وهكتب لروح الشهيد

ياللى لقيتوا الأمان فاكرين عصابة زمان
شلة فساد خاينين نيهم عيون أعوان
حرموا الشعوب م القوت خربوا بلاد وبيوت
مهما الزمان هيفوت يوم الكفاح يوم عيد
وهكتب لروح الشهيد

عشان يبقى لنا

عشان يبقى لنا كيان فى الوجود
ونحفظ حضارة صنعها الجدود
فلازم نراجع حياتنا وعاداتنا
بفعل ويجد وما تكفى الوعود
عشان يبقى لنا كيان فى الوجود

نفكر بعقل نشوف المفيد
نتابع ونعرف ونصنع جديد
بروح التحدى بقلب الحديد
هنوصل بسرعة نعدى الحدود
عشان يبقى لنا كيان فى الوجود

نسالم نسالم بعزة وكرامة
دا أصل العبادة السماح والشهامة
لأن الغضب هو أكبر علامة
تنازل بيبدأ نهاية لضمود
عشان يبقى لنا كيان فى الوجود

أراضى الزراعة نصونها أكيد
ما نهمل ما نبني عليها جديد
دايوم الحصاد هو فرحة وعيد
وفلاح بلدنا أساس الخلود
عشان يبقى لنا كيان فى الوجود

وميه جميلة بتروى بلدنا
نحافظ عليها نعلم ولادنا
بنهدر ونسرف وببيزيد عددنا
وفرصة تعدى لايمكن تعود
عشان يبقى لنا كيان فى الوجود

تلوث هوانا داشئ مش تمام
هنتعب ونمرض ونشكى الآلام
وينقص عملنا ونسمع ملام
ونلقى التخلف وصل والجمود
وننسى نحقق كيان فى الوجود

نحب النظافة فى شارع فى حارة
فى مكتب فى نادى فى حى فى عمارة
هنعلى وهتاخذ بلدنا الصدارة
وهنعيش فى بيئة مليئة بورود
عشان يبقى لنا كيان فى الوجود

فوق احتمال البشر

فوق احتمال البشر
قابلت ياما هموم
يدوب معاها الحجر
ولا عين تشوف النوم
دا نصيب ياناس والقدر
ولا حد عمره قدر
يزرع طريقه شجر
والفرحة بس تدوم
فوق احتمال البشر

مرتاح ومش مرتاح
مرتاح فى عين الناس
وبعيش ألم وجراح
فى القلب والاحساس
وبحس إنى بضيع
أقرب قريب بببيع
عمرى ماعشت ربيع
دايماً حزين مهموم
فوق احتمال البشر

ورسمت بكرة أمان
فيه الأمل والخير
ولقبتنه زى زمان
والحلم فوق بيطير
وبشوف بعينى جبال
من غدر مع أهوال
وبعيش على دا الحال
صابر لسانى كتوم
فوق احتمال البشر

قناة السويس الجديدة

يامصر يا ام الرجال
وشباب يحب النضال
اليوم دا عيدك يا غالية
يوم افتتاح القنال
اكتب يا عالم وشوف
المصرى عدى الظروف
سطر بعرقه حروف
لحقيقة فوق الخيال
واليوم دا عيدك يا غالية
يامصر يا ام الرجال

يا بورسعيد هلى
يانجمة فوق فى السما
وبأعلى صوت جلى
الخير فى أرضك نما
كم مينا ومدينة
صاحبة تنادينا

طالبـة أباينا
تنجز كثير أعمال
واليوم دا عيدك ياغالية
يا مصر يا ام الرجال
بصت هنا عينا
والقلب بيغنى
شفت اسماعيلية
فرحانة بتهنى
سينا ودلنا وصعيد
الخير أكيد هيزيد
وعمار هيبدأ جديد
يصنع رخاء وجمال
واليوم دا عيدك يا غالية
يامصر يا ام الرجال

شعب السويس يا أصيل
اسمك فى كل ميدان
وتاريخ كفاحك طويل
تهزم جميع عدوان
شايـفك هناك فارس
على مجدنا حارس
وفى أرضنا غارس
أفراح بطول الجبال

واليوم دا عيدك ياغالية
يا مصر يا ام الرجال
أنا من زمان بعشقتك
يا مصر يا غنوتى
ويا الصباح بندهك
نسبى بلاد دنيتى
وصحيت لقيت اللحم
بإرادة أصبح علم
وقت الحروب والسلم
ما تخافى من أهوال
واليوم دا عيدك يا غالية
يا مصر يا ام الرجال

طنطا ودسوق زقازيق
دمياط شبين بحرى
أسيوط ومنيا وسوهاج
أسوان ونيل جبرى
والغردقة وعريش
والأمن حالف يعيش
والمولى يحمى الجيش
يحمى الشعوب والمال
واليوم دا عيدك يا غالية
يا مصر يا ام الرجال

مع إني

مع إني في الطفولة
بس بعيش الكهولة
بحلم أحلام بريئة
وبشوفها قوام مقتولة
وبعاند برضه تاني
علشان اهزم هواني
وارسم نجمة في زمانى
في طريق صعبة ومجهولة
مع إني في الطفولة
لما بـفرح بغنى
واعشـق لون الشجر

والكون عايش فى سنى
والشمس مع القمر
وفجأة الليل بيان
يكتم صوت الأمان
يملا كل المكان
أشباح وإيدين مغولة
مع إنى فى الطفولة

أجمل حاجة فى حياتى
العيب ويا الصحاب
كارتون يحكى لى ذاتى
واعشق لون الكتاب
لكن جدى يقول
دى غريبة ومش معقول
تاهمت كل الحلول
أحلامكم مش بسهولة
مع إنى فى الطفولة

لو قالوا يوم دا شاطر
بطير فوق السحاب
اهزم كل المخاطر
وامسح كل الصعاب
وبشوف دمعة فقير
وناس لابسين حرير

يسرح عقلى كثير
فى مشاكل مش محلولة
مع إنى فى الطفولة

أغصان الحب عايشة
تجمع كل الجيران
والكل فى عيني أهلى
مهـما يطول الزمان
وفجأة بلاقى صوت
بصرخ ويقول بموت
م الجوع والناس سكوت
وجميع الابواب مقفولة
مع إنى فى الطفولة

برسم دنيا الآمال
وبشوف أحداث كثير
وفى عقلى مية سؤال
عايز فى الحال تفسير
لكن قدامى سـد
مش لاقى أى حد
يسمعنى مرة جد
بعيون صاحبة ومسئولة
مع إنى فى الطفولة

اخرج

اخرج من حياتى وسينى مع الزمان
خلينى اعيش لذاتى معدش ليك مكان
أنا قلت لقلبي ينسى أيام ما كنا احباب
يعيش يحلم بيكر ويقفلع الذكرى باب

ولا عيني فى يوم هتدمع
ولا حبي فى يوم هيرجع
مهما الأحزان هتوجع
هتحمّل مهما كان

اخرج

اخرج واوعدنى إنك
راح تبعد عن طريقى
علشان البعد عنك
خلانى اعرف حقيقى
ازاى الحب كان
وازاى الحب هان
وازاى ضاع الحنان
واحننا نلوم الزمان
أنا هبدأ من جديد
ومسيري فى يوم أكيد
أيامى هتبقى عيد

هوصل بر الأمان

اخرج

فلاح

أنا فى الغيطان فلاح بزرع فى ليل وصباح
والأرض عشق الروح تسمعنى لما أبوح
واشكى هموم وجروح عن ظلم زاد أو لاح
أنا فى الغيطان فلاح

صاحب صلاة الفجر وانه خيوط الشمس
خايف يطول الهجر من بعد يوم الأمس
والأرض بالزغاريد كان اللقاء يوم عيد
والكون بحاله سعيد عايز يطير بجناح
أنا فى الغيطان فلاح

وابذر بذور الخير وارويها حب وأمل
حاسس بأنى أمير ما دمت بعشق عمل
وحياتى قصة صمود راسم هدف منشود
حافظ لعهد الجدود والبال كثير مرتاح
أنا فى الغيطان فلاح

والأرض تطرح طرح يكفى بلاد وشعوب
والخير سنابل قمح زايد عن المحسوب
وانده ياواد يا بلال رزقك كثير وحلال
دايماً نشيط شغال تصنع سنين أفراح
أنا فى الغيطان فلاح

ماتسقفوش

ماتسقفوش
لما تسمعوا شعرى
وماتر جعوش
قبل ما تصنعوا فجرى
وتحررونى م الظلام
ومن الألام
ومن اللى عايز
يزرع ال أوهام
ويسيب شعوب
عايشة يادوب
تحلم كلام
وان فكرت تمشى فى يوم
خطوتين قدام
هتلاقى مية غدار
ماسك الحديد والنار
طايح فى كل البشر

حتى بدون إنذار
في عيونه بان الغضب
وفي إيده كان إصرار
بيقول لناس أبريا
انتو أكيد أغبيا
علشان صحيتوا في يوم
للظلم ماركتوش
والدنيا مافهمتوش
ماتسقفوش

ما تسقفوش
لما تسمعوا موال
أصل الشجاعة مش كلام يتقال
لكن عزيمة جوا قلوب أبطال
عاشقين تراب الوطن
مهما يكون الثمن
حالفين برب الكون
يانعيش كرام عمرنا
يانروح لجنة عدن
ايه فايذة الإنسان
عائش غريب وجبان
شايف سيوف خاينين

مغروسة في الأوطان
تكتب عذاب وجروح
والليل قلوب بتنوح
العدل بات مدبوح
والظلم صار مسموح
اشهد يانيل يازمان
عاشين عصور توهان
بتقول بعلو الصوت
ومن الميلاد للموت
عيشوا بدون أحلام
ماتفكروش
وماتسألوش
ماتسقفوش

ماتستاهلش تكون ناجح

ماتستاهلش تكون ناجح
ياللى فى هواك نايم صابح
وقت المدرس مابيشرح
والعقل فين منك سارح
يا فى لعبة عايز تلعبها
يا فلوس تروّح تطلبها
والنفس لو يوم تحاسبها
تلقى الحساب قاسى وجارح
ماتستاهلش تكون ناجح

ما تستاهلش محبتنا
ياللى بتهمل نصيحتنا
المدرسة صنعت أجيال
كنتبت فصول من فرحتنا
وانت بقيت ليه عدوانى
تعمل سلوك مش إنسانى
تخرب وتكسر فى ثوانى
وتسئى لكل مكان صالح
ماتستاهلش تكون ناجح

لو كنت شاطر بصراحة
عامل زمايلك بسماحة
واحفظ حضارة أجدادك
واظهر نجاحك ع الساحة
واصنع مكانة تعيش بيها
ما تكونش نكرة فى حوارها
لو مصر خايف تحميها
شوف لك بعيد عنها مطارح
ماتستاهلش تكون ناجح

ماتقولش ضاع منى كتابى
ولا زاد وعددى هنا غيابى
ولانمشى مرة مع الهايف
وتقول عليه من أصحابى
ربك عليم حاكم عادل
شايف المكافح والغافل
وان كنت ناوى تعيش جاهل
شوف لك طيب فاهم ناصح
ماتستاهلش تكون ناجح

أمك وابوك تعبوا عشانك
حلموا بنجاحك وكيانك
صبروا كثير ويا زمانهم
علشان تعيش انت زمانك
وانت فشوارع بتعاكس
ع النت عامل فيها فارس
وسنين تعدى ومش حاسس
إنك بفعلك مش فالح
ماتستاهلش تكون ناجح

حارب

حارب صمم توصل حارب
حارب حقق ذاتك حارب
خلى سلاحك صبر وهمة
قبل ما عمرك يصبح هارب
حارب

حارب تانى وحارب تانى
قل للدنيا هعيش بكيانى
هرسم فرحى مكان أحزانى
واعدى محيط الحلم بقارب
حارب

حارب وامش فوق الأشواك
وسط الضلمة افتح شباك
شوف النور والقلب معاك
مية نيلك دايماً شارب
حارب

من بورسعيد

من بورسعيد أسوان
لعريشنا للسلوم
مصر العظيمة أمان
ومفيش فتن هتقوم
دى بلادنا جوا القلوب
خاضت حروب وحروب
والنصر كان مكتوب
يسكن هنا ويدوم
من بورسعيد أسوان
لعريشنا للسلوم

فى الوادى ده قصتى
والدلنا نور العيون
والصحرا دى غنوتى
ولايوم علينا تهون
من سينا أرض الأمل
المجد عايز عمل
فيها الكفاح اكتمل
والعشق شئ مفهوم
من بورسعيد أسوان
لعريشنا للسلوم

يا بلاد حماها العظيم
من شر حاسد لنيم
عاشت عصور وعصور
والشعب عابد كريم
فيها العلوم والدين
والأوليا الصالحين
وجنود أسود صامدين
ماتشوف عنيهم نوم
من بورسعيد أسوان
لعريشنا للسلوم

الشعب فيها سوا
عارفين طريق الدوا
طبع الشهامة الأصيل
من نيل بلادي ارتوى
ابعد يا خاين وروح
العنف مش مسموح
مش هرضى اعيش مجروح
ولا صوتى يوم مكتوم
من بورسعيد أسوان
لعريشنا للسلوم

قل لی

قل لی ازای بتریدنی
تلاقینی کیف ما ترید
لو ترضی فی یوم تواعدنی
صدقنی یكون یوم عید
وان قلت امش علی رمال
أنا هطوی بحور و جبال
وهیسعد بیک الحال
ما دام الإید فی الإید
قل لی ازای بتریدنی
تلاقینی کیف ما ترید

غيرنى فى كل صفاتى
وارسمنى فى أحدى ملامح
مش اقولك لا دى حياتى
وبلاش الحب الجارح
لكن لو شفتك راضى
هفرح وهنايا يزيد
قل لى ازاي بتريدنى
تلاقينى كيف ما تريد

أنا ممكن ابيع العالم
واشترى قلبك يا حبيبي
وهعيش بالقلب الحالم
تبقى فرحى ونصيبي
ولا ثانية نعيش فى خصام
ولا يبقى الحب بعيد
قل لى ازاي بتريدنى
تلاقينى كيف ما تريد

كورة فى كورة

كورة فى كورة الدنيا خلاص
لحست كل عقول الناس
بقت الشغل الشاغل ليهم
عايشين فيها بكل حماس
تمشى فى شارع تلقى حوار
شارك فيه كل الأعمار
فيه الراى مع الإصرار
حاجة غريبة ومالها أساس
كورة فى كورة الدنيا خلاص

بعد الفوز بنشوف أفراح
وزينة ورقص فى كل مكان
صاحب العقل أكيد مرتاح
أما الباقي حصل له جنان
اللى بياخد يومها أجازة
واللى بيضرب ناس بقزازة
ويعمل بدل الفرحة جنازة
وكله يهون علشان الكاس
كورة فى كورة الدنيا خلاص

شوف جمهور القهوة وصوته
زى مظاهرة فى كل ميدان
وادى حرامى بيسرق قوته
ولا بيحرك حتى لسان
إنت يا شعب الظالم نفسك
ولا يوم عارف فين مصلحتك
عيش فى الهلس سنين وبراحتك
مهما خطر هيدق اجراس
كورة فى كورة الدنيا خلاص

الله يساعذك يا فلسطين
ليك ربنا وخلص يا عراق
فين أيام أمجاد حطين
لما الشعب العربي دا فاق
حطم كل حدود الخوف
قال مش اعيش ابدأ مكتوف
نادى العالم بص وشوف
احنا على الأمجاد حراس
كورة في كورة الدنيا خلاص

وادي أطفال مدارسنا ياخال
تعرف لاعب أو فتان
لكن عمره ما كان ع البال
تحفظ آية من القرآن
ضعنا خلاص وبقينا تايهين
لما سمعنا عن الملايين
اللى بتملا جيوب لاعبين
من غير زرع ومن غير فاس
كورة في كورة الدنيا خلاص

أنا من تراب الوطن

أنا من تراب الوطن
شب و نما عودى
مهما يمر الزمن
حافظ هنا و عودى
كاتب على جبهتى
مصر الأمل غنوتى
يبقى على جنتى
تبكى على خدودى
وانا من تراب الوطن
شب و نما عودى

سبحانه من أبدعك
ملكة جمال فى الكون
والله ما أروعك
ساكنة قلوب و عيون
كل اللى شافك قال
فى العشق مية موال
زيك ما شفت جمال
يشهد على جدودى
وانا من تراب الوطن
شب ونما عودى

ليلك ونس وأمان
عزم النهار إنتاج
نورك فى كل مكان
والدنيا ليه تحتاج
لو بس صوتك ندا
يبقى الجهاد ابتدا
ابنك يصد العدا
يحمى حمى حدودى
وانا من تراب الوطن
شب ونما عودى

نفیت بلاد وبلاد
وبقول أنا مصری
وارث كنوز أمجاد
سابق سنين عصری
عشقك هنا فی قلبی
لانسیت ولامخبی
دایماً بقول ربی
یحمیکى وتسودی
وانا من تراب الوطن
شب ونما عودی

خايف

خايف افكر خايف اتكلم
لسه يادنيا ناقصنى اتعلم
إن الحب ما عاد له وجود
وان الظلم ما عاد له حدود
كل الناس بتراقب بعض
غدر وغش وجرح وعض
مش هتكلم بيك يالسانى
انا هنساك وانت هتنسانى

ياما نطقت بحق ولكن
صاحب الحق ما عاد له أماكن
كل العالم اهو بيستغرب
المظلوم بيحاول يهرب
أما الظالم ليه أعوان
بيته وأرضه فى كل مكان
وانا فى الحلم بقى لى زمان
لكن حق وخير مش شايف
وخايف

خايف اصاحب ناس تخذ عنى
خايف اتكلم مين يسمعنى
صاحبك تاكل عيش وياه
بعد ساعات تنكوى بأذاه
تندم ليه ادبته أمان
يعنى كمان انت الغطان
هى الدنيا بتمشى ازاي
هى الناس بتتبع ازاي
قل يا طيب الله يخليك
قلبي تعبني وشوف بعنيك
خده ارميه فى البحر وهات
قلب بلاستيك ساكت مات
وانسى أحس الظلم واعيش
لئى الحق اهو زى ماليش
واقول لعينيا بقى ماتبكيش
ولا ع الغالى ولا ع الهايف
وخايف

المحتوى

ص	م	القصيدة	ع	م	القصيدة
٤٠	١٧	عم مجاهد	٣	*	إهداء
٤٤	١٨	إلى روح الشهيد	٥	١	ما يختأفش اثنين
٤٦	١٩	عشان يبقى لنا	٧	٢	ماتسناهلش
٤٨	٢٠	فوق احتمال	١١	٣	وظائف خاليه
٥٠	٢١	قناة السويس	١٤	٤	مش هتخطم
٥٣	٢٢	مع إني	١٥	٥	أرض الأبطال
٥٦	٢٣	اخرج	١٩	٦	اعتراف
٥٧	٢٤	فلاح	٢١	٧	تخترع اعدار
٥٨	٢٥	ماتسقفوش	٢٢	٨	هفضل اعاند
٦١	٢٦	ماتسناهلش تكون	٢٣	٩	اسمحي لى
٦٤	٢٧	حارب	٢٩	١٠	أرض الأبطال
٦٥	٢٨	من بورسعيد	٢٥	١١	ابن مصر
٦٧	٢٩	قل لى	٢٧	١٢	أحلام
٦٩	٣٠	كورة × كورة	٣٠	١٣	فى قلبى
٧٢	٣١	انا من تراب	٣٣	١٤	حاجة تغم
٧٥	٣٢	خايف	٣٥	١٥	أرفع راسك
٧٦	٣٣	المحتوى	٣٨	١٦	سيجارة

الشاعر فى سطور

الاسم : محمد محمود محمد أبو العلا
اسم الشهرة : محمد الشرقاوى (مدرس ثانوى عام)
مواليد أسيوط/ أبنوب/ بنى محمد/ العقب/ عائلة الشراقوة (الأشراف)
مقيم بالقاهرة ت : ٠١١٢٤٧٨٠٦٤٢ - ٠١٢٢٧٩١٨٣٦٨

الأنشطة الأدبية:

- عضو اتحاد كتاب مصر .
- محاضر مركزى بالهيئة العامة لقصور الثقافة.
- عضو نادى الأدب بقصر ثقافة الجيزة.
- مقرر لجنة الشعر بمكتبة المعادى العامة لعدة أعوام.
- عضو سابق لجمعية المواهب الشابة بإذاعة الشباب والرياضة.
- صحفى بجريدة الشعر العربى.

الأعمال:

- ١ - ديوان شعر غنائى بعنوان (رسالة حب) وقد زودت الهيئة العامة لقصور الثقافة مكتباتها من هذا الديوان، وتمت مناقشته على القناة الثالثة المصرية ببرنامج منوعات ثقافية يوم ٢٦ / ١ / ٢٠٠٩ على يد الناقد الدكتور/ مدحت الجيار .
- ٢ - ديوان شعر عمودى بعنوان (مصر الخير والأمان) وقد نال موافقة وزارة التعليم لتزويد مكاتب المدارس الإعدادية والثانوية العامة على مستوى الجمهورية بقائمة ٢٠٠٨ / ٢٠٠٩ .

- ٢ - ديوان أطفال (حكايات المساء). وقد اعتمده وزارة التعليم فى مكتبات التعليم الإبتدائى.
- ٤ - ديوان أطفال (خيوط الشمس)، وقد اعتمده وزارة التعليم فى مكتبات التعليم الإبتدائى.
- ٥ - ديوان أطفال (زهور الأمل) صادر عن الهيئة المصرية العامة للكتاب - تنشر له كثير من المجالات والجرائد الأدبية
- نال الشاعر عدة شهادات تقدير وأثنى عليه النقاد والشعراء الكبار.
- ضيف بالبرامج الثقافية بالإذاعة والتلفزيون .
- ليدى الشاعر العديد والعديد من الأعمال لا تزال تحت الطبع (دواوين شعر فصحى - عامية - غنائية - مجموعات قصصية (لل كبار للأطفال - دواوين شعر للأطفال) - رباعيات فصحى وعامية)..